

王
船
山
遗
书

王

船

山

遺

書

莊子解卷十二

船山遺書四十

衡陽王夫之撰

男啟增注

外篇

天地

此篇暢言無爲之旨有與應帝王篇相發明者於外篇中斯爲遂矣

天地雖大其化均也萬物雖多其治一也人卒雖眾其主

君也君原於德

有德乃可君天下

而成於天

天命

故曰元

元天德也君受

天之成德必合天

古之君天下無爲也天德而已矣以道觀言而

天下之君正以道觀分而君臣之義明以道觀能而天下

之官治以道汎觀而萬物之應備

立于無爲之宇而下觀之

故通於天

地者德也行於萬物者道也上治人者事也能有所藝者

技也技兼於事事兼於義義兼於德德兼於道道兼於天

故曰古之畜天下者無欲而天下足無爲而萬物化淵靜

而百姓定記曰通於一而萬事畢

惟天則一

無心得而鬼神服

夫子曰

唐順之曰夫子指孔子

夫道覆載萬物者也洋洋乎大哉君

子不可以不刳心焉

刳去之也

無爲爲之之謂天無爲言之之

謂德愛人利物之謂仁不同同之之謂大行不崖異之謂

寬有萬不同之謂富故執德之謂紀德成之謂立循於道

之謂備不以物挫志之謂完君子明於此十者則韜乎其

事心之大也沛乎其爲萬物逝也

逝歸往也

若然者藏金於山

藏珠於淵不利貨財不近貴富不樂壽不哀夭不榮通不

醜窮不拘一世之利以爲己私分不以王天下爲己處顯

顯則明萬物一府死生同狀

天德合一

無所謂道天而已矣卽在宥篇所謂主者天道也萬物

一府天府也死生同狀同於天也於人見異觀於天則

幾無不同矣元同者同於元也可見者則異矣其死生

圓運於大鈞而函萬有於一環者不可見也蔑不同也

體其元以汎觀則知其同知其同則無不在而無不可

宥迎我者不可見喜拒我者不容或怒賞罰爲應迹而

不繫於心是謂剝心剝心者剝去其心之知也是謂棄之故因而應之見有十德通之於一則無爲無欲函於一府渾於同狀而與天均化矣

夫子曰夫道淵乎其居也

動不

濇乎其清也

濇音聊清深也

金石不

得無以鳴故金石有聲不考不鳴

評曰作用

萬物孰能定之夫

王德之入素逝而恥通於事

素逝者虛心以遊也

立之本原而知通

於神故其德廣其心之出有物採之

郭象曰物採之而後出非先物而倡也

故形非道不生生非德不明存形窮生

窮盡也存其形盡其生○評曰貴愛

其身立德明道

立其德明其道○評曰反于天均

非王德者邪

王去聲有德蕩

蕩乎忽然出勃然動而萬物從之乎此之謂王德之人視

乎冥冥聽乎無聲冥冥之中獨見曉焉無聲之中獨聞和

焉故深之又深而能物焉

物神

之又神而能精焉故其與

萬物接也至無而供其求時騁而要其宿

騁馳騁也宿歸宿也

大小

長短修遠

修一本作近大小也長短也近遠也皆供其求皆要其宿

通於事者技也臣道也賤也愈著則愈淺愈成則愈粗

殉一世之利而可貴愛者亡矣事之爲數大小長短修

遠而已逐於其數迷而不反自矜爲通則獨見獨聞者

汶闇而不知有唯獨有而後見獨見獨而後其見聞皆

獨大小長短修遠皆不出其所在而爲其所宥故無求

不可供忽然勃然馳騁百爲而過而去之以不迷於所

宿若然則通於一而不屑通於事以天道爲天德無爲而爲天下君者也

黃帝遊於赤水之北

杏冥之中

登於崑崙之邱

將與天通

而南望還

歸遺其元珠

評曰欲以天道明人心而遺其德之在人心者

○使知索

之而不得使離朱索之而不得

離朱明也

使喫詬索之而不得

也

喫去逆切又口解切喫詬文言也

乃使象罔象罔得之

方以智曰象則非無罔則非有

黃帝曰異哉象罔乃可以得之乎

評曰絕其南歸之想矣

遊乎冥默登乎高曠幾與天地通矣然因此以通乎事

而明民則抑有陰陽以遂羣生之情也而元同圓運之

德喪矣蓋終忘其獨而櫻人之心也心知也聰明也文

言也皆强索而不能遇者也知事無事知通無通收視
反聽無爲爲之過而去之象罔矣乃可以無得而得也

堯之師曰許繇許繇之師曰齧缺齧缺之師曰王倪王倪

之師曰被衣堯問於許繇曰齧缺可以配天乎吾藉王倪

以要之許繇曰殆哉圾乎天下圾與同齧缺之爲人也聰明

睿知給數以敏數謂事物之數給應也敏捷也其性過人而又乃以人受

天彼審乎禁過而不知過之所繇生與之配天乎彼且乘

人而無天方且本身而異形見有身而示異方且尊知而火馳特明

而速方且爲緒使爲事之所役方且爲物絃絃公才切絃束也爲物之所縛方

且四顧而物應爲物絃矣而方且應眾宜爲緒使矣而方

且與物化而未始有恆

不能通於一

夫何足以配天乎雖然有

族有祖可以爲眾父而不可以爲眾父父

即無上八過猶止可以爲眾父

不可以爲祖

治亂之率也北面之禍也南面之賊也

爲堯師之師者尙不足以配天故許繇自謂燭火而不敢代庖況師堯之聖知而斬以治天下乎萬物之大小長短相與爲族而所祖者唯天合天道之無爲乃與天配否則治之適以亂之福之適以禍之育之適以賊之堯觀乎華華封人曰嘻聖人請祝聖人使聖人壽堯曰辭使聖人富堯曰辭使聖人多男子堯曰辭封人曰壽富多男子人之所欲也女獨不欲何邪堯曰多男子則多懼富

則多事壽則多辱是三者非所以養德也故辭封人曰始也我以女爲聖人邪今然君子也天生萬民必授之職多男子而授之職則何懼之有富而使人分之則何事之有夫聖人鵠居鵠無常居而有常匹尸子曰而鰕食郭象曰仰物而足鳥行而無彰郭象曰率性而動非常迹也林天下有道則與物皆昌天下無道則修德就閒千歲厭世去而上僊乘彼白雲至於帝鄉三患莫至身常無殃則何辱之有封人去之堯隨之曰請問封人曰退已

北面奚足以禍南面奚足以賊無所歆無所厭函萬物於一府等死生於同狀則禍且不辭奚有於福因而用

之莫非天也無物不物而不物於物可以愛身卽可以

託天下

堯治天下伯成子高立爲諸侯

通變經云老子從天開闢以來身一千三百變後世

得道伯成子高是也

堯授舜舜授禹伯成子高辭爲諸侯而耕禹往

見之則耕在野禹趨就下風立而問焉曰昔堯治天下吾

子立爲諸侯堯授舜舜授予而吾子辭爲諸侯而耕敢問

其故何也子高曰昔堯治天下不賞而民勸不罰而民畏

今子賞罰而民且不仁德自此衰刑自此立後世之亂自

此始矣夫子闔行邪無落吾事佶佶乎耕而不顧

佶音邑佶低

狀 曰耕

君人者之通於事所資者賞罰而已賞其所當賞罰其所當罰可謂於事皆通矣是乘人而無天也爲緒使爲物絃也求宜於四應而無恆也治繇此成而亂亦繇此生是曰治亂之率益爲政教爲禮樂爲仁義多爲之名以撓人心則必同乎我者賞異乎我者罰以此火馳於天下而禁其過乃天下之過卽繇此而深故伯成子高恥而去之

泰初有無無有無名一之所起

一者數之始一之所起則太始也

有一而

未形

一尙未形則太虛也

物得以生謂之德未形者有分且然無閒

謂之命

未形者必有分也既分則與生俱生相爲終始矣而當其未分時則猶然無閒也是天命之初也

留動而生物物成生理謂之形

留而動動而留一動一靜也

形體保神

神保合於形之中

各有儀則謂之性性修反德

此下言

德至同於

初同乃虛虛乃大合喙鳴喙鳴合

如鳥之合喙以鳴而喙鳴相合因天機之自然

無名義之可立也

與天地為合其合緝緝

同綿

若愚若昏是謂元德

同乎大順

無者渾然太虛化之所自均無可為名而字之曰無函

於人心為元珠超於形象為象罔有一而不可以形求

曰元德萬物一府死生同狀而自旋運於其閒無本無

槩而日固無始大小長短修遠殊異而並存者形也合

而在人則性也繇天順下而成性者繇人順之以上而

合天則時有云爲不出於大圖流動之中喙鳴也一比
竹之吹也因乎天而不以爲爲何容心於賞罰以撓人
之心而逆天經哉順之而已

夫子問於老聃曰有人治道若相放

放音倣

可不可然不然

辯者有言曰離堅白若縣寓

縣音懸寓宇通天宇高懸也
離剖析之也○評曰於可者

不可者然者不然者雖辯言日進彷彿難決而
破其堅白苦高天在上無不昭晰以決於從違若是則可

謂聖人乎老聃曰是胥易技係勞形忧心者也

解見應
帝王執

狸之狗成思

狸一本作畱成思
謂被繫而思逸也

猿狙之便自山林來

雖便巧而

人可自山林
繫之以來

丘予告若而所不能聞與而所不能言凡有

首有趾無心無耳者眾

庸眾之人皆失其見獨之
心以耳徇人而思通乎事

有形者

與無形無狀而皆存者盡無

合有無於一致而皆存之是在天下者也能此者未之有

也其動止也其死生也其廢起也此又非其所以也

評曰動止

死生廢起迭相循環倚伏機也若其所以者則大同而通於一

有治有人忘乎物忘乎天

其名爲忘己

評曰己一天也物一己也忘物忘天而獨見己則己亦不立而渾乎天矣

忘己之

人是之謂入於天

通於事者通其可不可然不然而已於是而以其技鳴

爲天下之所係則有心而適以迷其心有耳而適以惑

於聽夫可不可然不然以爲動止因而見廢因而見起

因而以生爲恩因而以死爲怨而不知此數者之迭相

倚伏而未有恆若其所以然者則通於一而恆者也生

死於此廢起於此動止於此參而成純合死生於一狀
萬物於一府則不於物見然否不於物見然否則己之
然否不立渾然一天包含萬有在而宥之喜而非喜怒
而非怒賞而非賞罰而非罰任物自取以同乎天化則
其合天也緝緝而與爲無極撝者皆甯而天下已化矣

蔣閭勉見季徹曰

字書無勉字莊子書中用字多加旁首二子亦寓爲之名勉取勉強徹取通達

之魯君謂勉也曰請受教辭不獲命既已告矣未知中否

請嘗薦之吾謂魯君曰必服恭儉拔出公忠之屬而無阿

私民孰敢不輯季徹局局然笑曰若夫子之言於帝王之

德猶螳螂之怒臂以當車軼

軼一本作轍

則必不勝任矣且若